

مؤکش

انقلابی بندغ نا جورښت نا بنائی کلام

بشیر زیب بلوچ

مؤکش

انقلابی بندغ ناپوڑشت نابنائی کلام

بشیر زیب بلوچ

نوشکار: بشیر زیب بلوچ

کمانڈر انچیف بلوچ لبریشن آرمی

اردو چھاپ: جنوری 2026

برائوٹی: فروری 2026



ہگل میڈیا پبلیکیشنز

- 6 سر لوز
- 10 انقلابی بندغ انت ئسے، و انت اس اف
- 13 ذمہ واری نا نفسیات:
- 13 گیرام کنگ، اُرے کنگ و نیمون آک انتے ودی مریرہ
- 16 نظم و ضبط خلیس نا دروشم ٹٹ آخہ، شعور نا دروشم ٹٹ
- 19 انا، وڈائی و خود مرکزیت نا انقلابی زوال
- 22 وخت ئنا سیاست: پابندی، بے واکی و دیہاڑی جوابدہی
- 25 بوگ شوگ، ٹوک تنگ و بے سوبری نا
- 25 نفسیاتی سیم آک
- 28 ذاتی زند و تحریکی زند نا المی آ ڈک لکنگ
- 31 بے تواری، خف تورنگ و تپنگ نا طاغت
- 34 فیصلہ سازی و بے سہبی نا بہیم ئنا ایسری
- 37 کمفرٹ زون، بہیم و بندغ کون آ جانور آن انقلابی بندغ اسکان
- 40 جند ئنا نغدکاری بقاء نا سلہ نا دروشم ٹٹ
- 43 گلہ، دوبہ خلنگ و فکری سوگوی
- 46 کرپشن و خود غرضی نا بیدس مالی دروشمک

49	لاڻهي، خواري و ڏسپلن نا تينتون سيالي
52	شعوري همگرنجي مون مقابل جوڙئي همگرنجي
55	سلاه، اختلاف و تنظيمي حد حويل
58	مسخت، معنه و بوريٽ نا مگر
61	گمنامي، سگ و نشان تفروڪا جهڊ
63	اخلاقي جيت و راستي نا نهاد
65	مٿي و بدلي منزل نا آخه، مدامي عمل نا دروشم ٿ
68	مظلوميت سياسي بيانيه نا دروشم ٿ،
68	و اونا نفسياتي نهاد
71	مرغن آ جهڊ نا نفسيات، سگ، دم درنگ و
71	نسلي رد ريسه
74	اختيار، اطاعت و شعوري نظم
77	دڙمن ۽ پهه مننگ نا گشاد
79	زند و مرگ نا اختيار ۽ تنظيم ۽ تننگ
82	گڏيڪو ٻيٽ

سر لوز

کنا سنگت آک،

دا کتاب اسہ پرمان کسے نادر و شمشٹ نما مونا تخنگنگ اف، و نیکیہ دابیرہ تنظیمی راہبند
آتا لڑ کسے۔ دا اسہ فکری و نفسیاتی مکالمہ کسے ہر ادے تحریک تینا باسک آستون
کیک، و باسک آک تینا چند ستون۔ راجی آجونی نا جہد بیرہ ڈغار، مڈی و اقتدار ناسوج
اس اف۔ دا تیوہ گڑا تیان مست بندغ ناولد اپو سکنا جوڑ مننگ ناسوج کسے۔ اگہ
بندغ ہمو مرے ہر ادے استعماری چا گڑد جوڑ کر یس، گڑا آجونی بیرہ بیرک نامٹی
اس مریک۔

تحریک آک ہمو وخت نزور مفہم ہ ہر اتم او فتیاز و رودک، بلکہ ہمو تم پیرہ ہر اتم او فتا
تہی بے شعوری لس مریک، کہ ہر اتم نظم ءبھیم تون گندنگے، شعور ءجوزہ آتون

مٹ کنگے، وسوج غدارى ناپن تنگے۔ داکتاب نامسخت سگت کسے آهورے بڑز کنگ
 ناف، بلکہ هموزہنى جوڑشت ء صفا کنگ ناء ہرانا تہٹی مریسہ جہد یا تو سوگو مریک یا
 تینے تینٹ کیدک۔

سیاسی جہد نادیہاڑننے ہیل ایتک کہ طاغت بیرہ سہ لمہ ٹی مفک، بلکہ معنہ ناپید اوار
 نٹ مریک۔ ہر اتحریک تینا باسک آتے سوچنگ، جابج ہلنگ و تینازی آسوج ہر فنگ
 ناموکل تفک، گڑا اوگڈ سر نٹ تینٹ اسہ تخ تفو کو بست و بند اسیٹی مٹ مریک۔ دا
 ٹک ناپارہ غا انتونیو گرامشی اشارہ اس تسوسس ہر اتم او ہیجیمینی (بالادستی) ء بیرہ
 طاغت آخہ بلکہ رضامندی نا تنظیم پانک۔ اگہ رضامندی شعوری مف، گڑا او
 آجونی آخہ، بیرہ اطاعت اس مریک۔

دا کتاب سگت آتے دا ہیل تنگ کن بتنے کہ انت سوچ خلونی ء۔ داکتاب داسوج ء
 بجاہ ٹی ہتیک کہ سگت اک امر سوچرہ؟ اونا تد مننگ جذباتی ء یا شعوری؟ اونا نظم
 بھیم نازی آتفو کے یا فہم نازی آ؟ او تینے بیرہ مظلوم اس ٹک یا اسہ ذمہ وار ء فاعل

اس؟ داسوج آک نظری ء افس، بلکہ عملی ء۔ دافتاورندی تیان دافصلہ مریک کہ
تحریک مستی گام خلویاتینا جند نباریم ناشیف آن پچرینگلو۔

جہد نٹ اوار مروکا ہر سنگت تینتون اوار اسہ چاگڑد اس ہر فک ہتیک۔ اوچاگڑدنا
بولی، اونا سوچ آک، اونا فرخ آک و اونا زوریک ہم اوڑتون اوار بریرہ۔ آجونی نا
عمل ہند اپد پاچوڑ آتے پر عننگ ناپن ء۔ ہند اسوب آن فینن نو آبادیاتی آجونی ء بیرہ
سیاسی عمل اس آخہ بلکہ نفسیاتی جتائی اس پار یس۔ ہر اتم اسکان غلامی مغز نٹ زندہ
سلے، آجونی بیرہ کاغذ آسلیک۔

دا کتاب سنگت آتین قربانی ناخواست ء کپک۔ قربانی داڑے مالو آن ساڑی ء۔ دا
کتاب وضاحت ناخواست ء کیک۔ وضاحت تینا ترجیح تا، تینا زوری تا، و تینا کڑدار نا۔
داڑے کس ہیر و اس جوڑ کنگنگ اف، انتے کہ تحریک آک ہیر و تیان آخہ،
کڑدار آتین زندہ سہ لمیرہ۔ و کڑدار نظم و ضبط و تینے آن تینٹ سوچ کنگ و ورنندی
خواہنگ آن جوڑ مریک۔

گڈ سرٹ بیرہ داپاروئیء کہ تحریک آک داہیت آن چاہنگپسہ ۛ کہ او فک دژ منء
اخص نہ خان تسر، بلکہ داہیت آن چاہنگرہ کہ او تینا بندغء اخص مٹ کریر۔ اگہ نن
باوقار، باشعور و سوگوئے بندغ و دی کنگ کتون، گڑا ہچ ء بیانیہ اس، ہچ ء قربانی اس نن
دیہاڑ ناعدالت آن رکھنگ کپرو۔

دا کتاب ہند اشعور ناپارہ غاسہ گام ئسے۔

سگت آتون ادار،

وسگت آتیکن۔

بشیر زیب بلوچ

انقلابی بندغ انت ئسے، وانت اس اف

انقلابی بندغ اسے تدینی ئسے نارد عمل اس مفک۔ او اسے دریو، اسے بیدادی، یا اسے
وختی ء بغاوت ئسے ناجازی ء بھرم اس اف۔ انقلابی بندغ اسے وجودی گچین کاری
ئسے ناپن ء۔ داہمو ساعت ء ہر اتم بندغ دا فیصلہ ء کیک کہ او حالیت آتا و دی کرو کو
کڑ دار اس جوڑ مفرو بلکہ تینا ذمہ واری ء تینٹ ہر فو، ہلے آگہ دانا نہاد تنیائی مرے، بے
تواری مرے، یا مدام تہہ سنا سر گڑ دانی۔

انقلابی بندغ غٹ آن مست داکر ء پر غک کہ اونا ز ند پین کس ئسے نا فیصلہ غاتا و دی
مرو کو گڑا ئسے۔ او چانک کہ تا دی نابست و بند آک بندغ ء بیرہ پیشن آن پر غپسہ بلکہ
تہٹی اسے ہند نو ذہنی ساخت اس و دی کیرہ ہر ارے کننگ، نیون کننگ و تینے آتروس
کننگ ء لس جوڑ کیرہ۔ انقلابی بندغ ہند اساخت ء چاہک و دانا بر خلاف بغاوت کیک،
انتنے کہ او سر پند مریک کہ آجوئی غٹ آن مست ذہن ٹ یا تو و دی مریک یا ساہ
ایتک۔

انقلابی بندغ تینے حق نہایت اس ٹکپک۔ اوچاہک کہ حق آمنگ بندغ ء معصوم جوڑ
 کپک۔ بلکہ حق آمنگ پین زیات ترند ء وڑا سیٹی تینا جند آن سوچ کنگ ناخواست ء
 کیک۔ او تینا زوری تے ڈھکپک، ولے او فتنے رومانوی ہم جوڑ کپک۔ اوچاہک کہ
 نفسیاتی بے وسی نادر شانی اسہ ہیئت لُے، و او دے چر جوئی ٹ جواز جوڑ کنگ وجودی
 لغوری نار ٹمیکو درو شم ء۔

انقلابی بندغ توار توار آن اڑز کیک، انتے کہ توار توار گیش تر تہہ نہا ہو رک انگا جاگہ
 غاتے ڈھنگ کن ودی کنگ۔ او بے توار ی ء زوری اس سرپند مخک بلکہ تینتون
 ہمکلام منگ نا جاگہ اس منیک تا۔ اوچاہک کہ ہر ابندغ تینے آن سوچ کپک، او بچ ء
 بست و بند لُے ہم گواچن ء چیلنج اس تنگ کپک۔

ہند اذمہ واری ء فرانز فینن دا جملہ ٹی در شان کریس کہ ”ہر زک ء تینا دیہاڑی
 مسخت ناپٹ و پول ء کروئی تمک، یا او دے پور و کروئی تمک، یا تو گڑا وڑان غداری
 کروئی تمک۔“

انقلابی بندغ دا جملہ ء بخت آخہ بلکہ سوج اس جوڑ کیک۔ او ہڑ دے ء، ہر فیصلہ ء و ہر
اُرے کنگ ء ہند اسوج نیا مونا تھک۔ او چاک کہ غداری سانده دژمن تون او ار
سلینگ آن مفک، بلکہ گیشتر دایتنا جند ستون منگ نامہ نادر و شتم نٹ مریک۔ انقلابی
بندغ ہمواف ہر اپڑو کے کہ او دیر ء، بلکہ ہمودے ہر ا بے تواری نٹ د اثابت کے کہ
اوانت اس جوڑ منگ آن نمں کرینے۔

ذمہ واری نا نفسیات:

گیرام کنگ، اُرے کنگ و نیمون آک انتے ودی

مریرہ

ذمہ واری آن پدی مننگ لس حساب ٹ اخلاقی نزوری اس سرپند مننگ، ولے
گیشہ تر دا اسہ نفسیاتی رد عمل اس مریک۔ بندغ ہمو تم گیرام کیک، اُرے کیک یا
نیمون کیک ہر اتم اونا تہٹی ذمہ واری نا باریم ویتنا نفسیاتی سگ سنا نیام ٹ تول سنا
توازن ٹ بے بریری اس ودی مریک۔ دا بے بریری گیشہ تر لاشعوری مریک،
ہندا سوب آن بندغ دادے مننگ نا جاگہ غاجواز ٹی مٹ کیک۔

مدام گیرام کنگ یادداشت ناجیرہ اس اف۔ دا گیشہ تر دا ہیئت نانا نشانی مریک کہ
بندغ ہمو کاریم است سنا ہب ٹ تینائی کتنے۔ ہر اکاریم بندغ تینا پچارنا بشخ اس جوڑ
کپ، گڑا ذہن اوڑان مری ودی کیک۔ اُرے کنگ ہندا مری نا عملی دروشم، و

نیمون کنگ ہندا مری نابولی ء۔ بندغ تینے منفک کہ حالت آک، دم دریگ یا بے
 وسی گواچن آسوب آک ء، ولے گواچن آجیڑہ تہہ ننا بے پاش آتد شنگ مر یک۔
 انقلابی بندغ دانفسیاتی مکر ء پہہ مر یک۔ او داسر پند مر یک کہ ہر ذمہ واری زیبا منک،
 ولے او دا ہم چاک کہ ذمہ واری آن نرنگ وختی ء ایشہ کھامی اس تنگ کیک، ولے
 مرغن ء وخت اسیٹی تینازی آباور کنگ ء دا خورہ غا نبار کنیک۔ نیمہ غاسلو کا ہر کاریم
 بندغ ناتہٹی اسہ بے توار ء بے جار اتی اس ہلک، ہر امدان مدان آ بے حسی ٹی مٹ
 مر یک۔

بندغ ہڑ دے دا گچین کیک کہ او تینا فیصلہ غا تا باریم ء ہر فویا او فتنے پین اسٹ نابش
 نٹ شاغو۔ ہندا گچینکاری او نانفسیاتی ساخت ء سو گویا زور کیک۔

داٹک ء وکٹر فرینکل بھاز سادہ ولے کڑمب ء ہیئت اسیٹی دن گنڈانے کہ ”ہر اتم بندغ
 تون زند گدر یفنگ نامسخت اس مرے، گڑ او کم وود ہر حالت ء سلگ۔“

ذمہ داری ہمو تم باریم اس جوڑ مر یک ہر اتم مسخت پاش مف، مسخت ہمو تم پاش
 مفک ہر اتم بندغ شعوری ردسٹ تینے اوڑتون گنڈتے۔ انقلابی بندغ ذمہ داری اڑز
 یاسز اتون آخہ بلکہ معنہ تون گنڈک۔ اوکاریم داسوب آن پور ویک کہ بے پورو
 منگ اونا تہہ نسا ساخت و پرغک۔ مدام بے سد منگ، ٹال مٹول و نیون اک گڈسر
 نٹ تنظیم آخہ، غٹ آن مست بندغ ناجند و زور کیرہ۔ انقلابی ہیلکاری نامسخت
 ہند انفسیاتی زوری و پہہ منگ آن پد اودے ذمہ داری ناعادت نٹ مٹ کنگ ناء۔

نظم و ضبط خلیس نا دروشم ٹٹ آخہ، شعور نا

دروشم ٹٹ

نظم و ضبطء گیشتر پرمان، سزاو نظر تختنگ تون گنڈنگ، ولے دامعنه سطحیء۔ خلیس
نازی آتفوکا نظم و ضبط بجازی مریک۔ ہندن کہ خیالداری ایسر مریک، گڑا او ہم
ایسر مریک۔ انقلابی ہیلکاری ٹی نظم و ضبط ناگواچن آ پنج خلیس آخہ بلکہ شعور
مریک۔ داهمو کیفیتء ہراڑے بندغ تینے پیشن ناخن ناہرنگ آن بیدس ہم جوابدہ
گوندک۔

نفسیاتی ردیٹ اڑزو بھیم بندغء زو عمل کنگ آ بے وس کنگ کیک، ولے او عمل تہہ
آن ہو رک مریک۔ بھیم بندغء ذمہ واری ناباریمء ہر فنگ آخہ بلکہ اوڑان زنگ نا
کسر ہیل ایتک۔ ہندا سوبء کہ بھیم نازی آتفوکا نظم و ضبط نئی بندغ اک کاریم تو
کیرہ، ولے نیت آن بیدس۔ ہندن کہ وار رسیگا، ہمو نظم و ضبط نیمون، اُرے کنگ و
بے چکاری ٹی مٹ مریک۔

شعور نازی آ تفوکا نظم و ضبط داڑان چپ عمل کیک۔ داڑے بندغ کس ننا نظر آن
آخہ بلکہ تینا معیار تون تفوک مریک۔ اوچاہک کہ اونا ہر عمل بیرہ اسہ کاریم اس
اف بلکہ کلہوئے۔ داکلہونا اولیکو مخاطب اونا چند مریک۔ ہند اسوب آن او اسہ لس
ء کاریم ئسے ہم لس تلپک، انتے کہ اوچاہک کہ عادت آک کڑ دارے جوڑ کیرہ۔

دا نظم و ضبط بندغ تہہ آن سوگوی ایٹک۔ او مدام داسوج ء کپک کہ کنے پانگانے یا
آخہ۔ اودا ہرک کہ داکاریم کنا شعور نا حساب ٹ ارے یا اف۔ ہند اٹک انقلابی نظم
و ضبط ء فوجی اطاعت آن جتا کیک۔ داڑے اطاعت خن تر آخہ بلکہ سرپند مروک
مریک۔

بندغ ہر ساعت دافصلہ کیک کہ او تینا عمل نازمہ وار تینٹ مرو یا اسہ بست و بند ئسے
نا، بندغ ئسے نایا حالت آتا پد آن تینے ڈھکو۔ شعور نازی آ تفوک آ نظم و ضبط
گو اچن ٹ ہند اگینکاری نا چر جوئی ہیلکاری۔

ہند گواچن ۽ انتونیو گرامشی دن در شان کر یس کہ ”بندغ ہمودے ہراوڑاوتینے
تینٹ جوڑکیک، نئیکہ ہمودے کہ ہرادے حالیت آک جوڑکیرہ۔“ انقلابی نظم و
ضبط بندغ ناہندا است آشاءک کہ آجونی بیرہ خواست اس اف، باریم اس ہم
ارے۔ ہرادا باریم ۽ شعور تون اوار ہر فک، ہمو گواچن آمعنہ غائیٹی سوگو مریک۔
ایلو غٹ بیرہ خیال داری ناوسیلہ نٹ چلنگرہ، وخیال داری وختس ہم مدامی سلپک۔

انا، وڈائی و خود مرکزیت نا انقلابی زوال

انائینٹ بیچ ء خرابی اس اف۔ نفسیاتی ردِ نٹ انا بندغ ء پجار، خودی و ردِ ریسہ ایتک۔
جیزہ ہمو تم و دی مر یک ہرا تم انا مس۔ عزت آن بھلن مرے، و بندغ جہد ء تینا چند تینا
وجود نا تالانی تکلنگ بناء کے۔ ہند اکان وڈائی و دی مر یک، و وڈائی ہمو تلمہ ء ہراڑے
انقلابی بندغ مدان مدان آخود مرکزیت نا گواچی مر یک۔

نفسیاتی ردِ نٹ خود مرکزیت اسہ دفاعی حالت کسے۔ بندغ ہرا تم تہہ نہا عدم تحفظ،
بے باوری یا بے منوک ء بھیم اسیتون اوار زندگی گڑا اولاشعوری وروشم نٹ تینا
جند ء بجاہ جوڑ یک۔ او ہر اختلاف ء ذاتی جلیو، ہر نغذ ء بے شرفی، وخن تیان چپ
منگ ء چم اس تکلنگ بناء یک۔ دا کیفیت نٹ جہد مسحت اس سملپک بلکہ انا نا ایشہ کامی
نا وسیلہ اس جوڑ مر یک۔

انقلابی بندغ دا تلمہ غاتینے پہہ منگ نا گشتا، دتھک۔ او چاک کہ ہراڑے انا فیصلہ کنگ ء

بناء کے، اوڑے شعور پدی سلیک۔ اودا ہم سر پند مریک کہ وڈائی گیشتر گشاد و لائی
 ناچیدہ آخہ بلکہ عدم تحفظ نا نقاب اس مریک۔ ہندا سوب آن او تینا ارزشت ء
 بے تواری نٹ دڑ فک ایسر کیک، انتے کہ او چاہک کہ اشتماعی جہد نٹ تینے بھلن
 ثابت کنگ آخہ بلکہ تینے کاریم نٹ ہنگ نالانخ جوڑ کنگ اصل کسب ء۔

داگو اچن ء ایرک فروم بھاز پاش ء وڑ اسیٹی در شان کریسہ پاریس۔ ”خود غرضی
 گو اچن نٹ تینستون مہر آخہ بلکہ تینے آن بد دنگ ناسہ دروشم نئے۔“ دا جملہ انا
 نفسیات ء لغڑ کیک۔ ہر اہندغ تینے ہر وخت مقدم تحک، اوگو اچن نٹ تینے آن
 است جم مفک۔ انقلابی ہیلکاری داگو اچن تون امنا کریسہ مستی رائی مریک۔ اووڈائی
 ء اخلاقی خرابی اس آخہ بلکہ اسہ ہندونو نفسیاتی کیفیت اس گوندک ہر ادے چاہہ ۔
 پر غنگ کنگ مریک۔

وڈائی ہندغ ء اسہ بھیم بش کرو کو ء مکر اس ایتک۔ اودا کنگ ء بناء کیک کہ تحریک
 اوڑان بیدس پورواف۔ ہندا ہمو تلہ ء ہر اڑان زوال بناء مریک۔ انقلابی ہندغ داکر ء

رد کیك۔ او چاك كہ جہد بندغ آتیاں بھلن مر یك، و بندغ نابڑز شانی ہندا گڑا ٹی ء
كہ او تینے دا بھلا گولدارہ ٹی گار كے۔

وخت ننا سیاست: پابندی، بے واکی و دیہاڑی

جوابدہی

وخت لس وڑٹ اسے تکنیکی جیڑہ اس سرپند مننگ، دنگہ دابیرہ گھڑی، شیڈول یا نظم ناسوج اس مرے۔ ولے گواچن ٹ وخت اسے کڑمبء نفسیاتی و سیاسی جیڑہ نئے۔ بندغ وختء امرتیریک، ہنداکڑاوانا تدمنگ، سوبری و شعور ناتلمہء پاش کیک۔ انقلابی جہد ٹ وخت ننا پابندی بیرہ نظم آخہ بلکہ اخلاقی و فکری پڑواس مریک۔

نفسیاتی ردٹ بے واکی وخت ننا کمبوتی آن آخہ، معنہ ناکمبوتی آن ودی مریک۔ ہر اتم بندغ اسے کاریم نئے تینا وجودتون گنڈوک تکیک گڑااولا شعوری ردٹ اودے ارے آکیک یاپدی تحمک۔ او وختء تالان کیک، ٹکر آہنیٹی و نڈکیک، وتینے داوڑ ریفک کہ داسکان وخت ووارارے۔ ہنداریفنگ و کمرمدان مدان آعادت اس جوڑ مریک، وعادت کڑدار۔

انقلابی بندغ وخت ۽ طرفدار ۽ گڑا اس سرپند مرڪ۔ اوچاڪ ڪه هر ساعت يا تو جهڊ
 نائش ڇڻ ڪانڪ يا اونا بر خلاف۔ نيام ٻٽ ڇڻ ڪنڊ اس مفڪ۔ اُرے ڪنگ ڇنگ ٻٽ
 بے توار ۽ عمل ڪسے، ولے دانا زهم ترند توار آ فيصله غاتيان زيات ڪڙمب مرڪ،
 انتے ڪه دانظم، باور و اشتماعي رفتار ۽ تهه آن پر ڪل۔

داڙے وخت نسا سياست مونا برڪ۔ هر ابندغ تينا وخت نسا جوا بده اف، او پين ڪس
 نسا وخت نسا هم امين مننگ ڪپڪ۔ انقلابي سيلڪاري ٿي وخت نسا پابندي اصل ٻٽ تينه
 ويهاڙ نسا مونا جوا بده سرپند مننگ نسا بنائي دروشم ۽۔ بندغ دا امنا ڪيڪ ڪه اونا بے واڪي
 بيره ذاتي ۽ جيره اس آخه بلڪه اشتماعي نسا ن ڪسے۔

جيره وخت نسا ڪمبوتی نسا ف، اودے ڪاريم ٻٽ هتنگ ناء۔ انقلابي بندغ دا گواچن تون
 امنا ڪيڪ ڪه هر زوال مرو ڪا ساعت اونا ذمه واري نسا وام اس جوڙ مرڪ۔ او وخت ۽
 رکھنگ ڪن آخه، وخت ۽ جوان ڪاريم ٻٽ هتنگ ڪن زنده مرڪ۔ وخت نسا پابندي
 سختی اس اف، شعور نسا چيده ڪسے۔ دا گڙ ادا هيت نسا شادي ۽ ڪه بندغ تينه بيره ساڙي

آخہ بلکہ کاریم نٹ بروک سرپند مر یک۔ انقلابی بندغ چاہک کہ دیہاڑ توار توار آتے
حساب کچک، ساعت آتے حساب کیک، واو ساعت آک، ہوتے ر سینگرہ ہر اوخت
ء سوبری نٹ ہلیرہ۔

بوگ شوگ، ٹوک تنگ و بے سوبری نا

نفسیاتی سیم آک

بوگ شوگ بندغ نا ابرمی ء گرج ءسے۔ نفسیاتی ردیٹ دامونجائی ء کم کیک، خڑکی و دی کیک و سخت انگا حالیت آئیٹی دم ہلنگ نا گنجاشت ایٹک۔ ولے انقلابی جہد یٹ بوگ شوگ اسہ بھار شکن ء چشخ ءسے آکائک۔ ہند ابوگ شوگ اگہ تینا سیم و دنگ آن پیشہ تمے گڑا سوبری ء کنیک، و ہند امخنگ اگہ ٹوک یٹ مٹ مرے گڑا نیام بنا باور ء چپی یٹ پرنگ۔

ہر وخت نا بوگ شوگ گیشہ تر کڑمب ء عدم تحفظ ءسے نا نشانی مریک۔ بندغ ہر اتم اسہ مسحت، ذمہ واری یا تہہ نہا پیچ و ول آتا مونٹس آن خلیک گڑا او بے سوبری ء تینکن اسپر اس جوڑ کیک۔ مخنگ او وخت آدفاع اس جوڑ مریک، ٹوک ہمو وخت آ سہ لمہ اس جوڑ مریک ہر اتم بندغ تینے زور گوندک ولے دانزوری ء منگ نا جاگہ غا ایلو تے شیف خلنگ آن تول ء بریر کنگ خواہک۔

انقلابی بندغ دافسیاتی فرخِ پیرہہ مریک۔ اوچاہک کہ مخنگ و مسخرہ بندغِ خرک
 ہتنگ کیرہ، ولے ٹوک ہتنگ بندغِ جتیک۔ اوداہم چاہک کہ ہر جاگہ، ہر وخت و
 ہر سر حال آشغل و مسخرہ کنگ اول نٹ ذمہ واری آن نرنگ ناسہ دروشم اس جوڑ
 مریک۔ دن انگا چاگر د نٹ تنظیم مدان مدان آ مسخت آن پانادی مرسا سہ بے
 سو برء مچی ایسی مٹ منگِ بناء کیک، ہراڑے ہیت آک بھاز و عمل کم مریک۔

بندغ تینے آن داسوج کپک کہ اوانتے مخنگ۔ اگہ مخنگ سختی سہ گنگ کن گڑا او
 طاغت سہ۔ اگہ مخنگ سختی آن بچنگ کن گڑا او زوری سہ۔ ہندافرغ انقلابی
 شغل ورد انقلابی بے سو بری نانیام نٹ چشخ اس کشک۔

ہند اگو اچن و کٹر فرینکل تینا زند نانا آزموندہ غاتیان دن در شان کریس۔ ”شغل
 روح نانا ہوس لمہ تیان اسٹ، ہرانا وسیلہ نٹ بندغ چنکو ساعت سہ یکن تینے حالت
 آتیان بڑا ہر فلک دیک۔“

مسخرہ ہمودرکار ایتک ہر ابدغءِ حالیت آتیاں بڑزادے، نیکہ ذمہ واری آن شیف
 بٹے۔ انقلابی بندغ ہند اسوب آن مسخرہء ضبطٹ تھک۔ او محک، ولے مسخت نازی
 آ آخہ۔ او ہنینو طب لے ناخواجہ مر یک، ولے جہد ناہاد آ آخہ۔ بے سوبری ہر اتم
 عادت اس جوڑ مرے گڑ اشعورءِ خورہ غا نبار ہو رک کیک۔ انقلابی ہیلکاری نامسخت
 مسخرہء ایسر کننگ آخہ بلکہ اودے اونا راست انگانفیسہ ماتی و اخلاقی سیم آتیتی تھنگء،
 تاکہ مخنگ بندغءِ سوگو کے، نیکہ بشخ و چانٹ۔

ذاتی زند و تحریکی زند نا المی آ ڈک لنگک

ذاتی زند و تحریکی زند نا اسٹ ایلو تون ڈک لنگک اسہ تدینی اس آخہ بلکہ اسہ ابرمی گواچن لُئے۔ امرء ہم بندغ اس اسہ اشتماعی جہد اسیتون سوبری نٹ تفوک مریک، اوزو یا اُرے آ داسر گڑدانی تون مون پہ مون مریک کہ اونا ارمانک، جارات، سیالیک و اونا وخت ہر اڑے ایسر مریرہ، و ذمہ واری ہر اکان بناء مریک۔ دا ڈک لنگک آن نمَن کنگک تینے فریب ایسیٹی تنجنگ ناشیل ء، و دادے رومانوی جوڑ کنگک ہم بھیم بش کروک ء۔

انقلابی بندغ دا گواچن تون امنائیک کہ ہر گچیکاری اسہ یلہ کنگک اس ہم مریک۔ ہر اتم او تحریکی ذمہ واری تے ترجیح ایٹک گڑا او پہ رضامنہ ذاتی آسراتی، منہ ارمان و منہ سیالی تے محدود یک۔ او دا محدودی ء بیدادی اس سرپند مفک بلکہ اسہ بسند ء فیصلہ اس سرپند مریک۔ ہند بسند مننگ نامبوتی بندغ ء تہہ آن دم در لیک، اتنے کہ

اواسہ وخت آرا اسٹ ایلو آن چپ ء خواست پورو کنگ نا کوشت سٹ اختہ
مریک۔

بندغ دامنیک کہ اونا ز ند پین کس سنا آخہ بلکہ اونا جند سنا فیصلہ غاتا مچی کسے۔ اگہ اویتنا
ترجیحات آتے پاش کپ گڑا حالیت آک اونا جاگہ غا فیصلہ کنگ ء بناء کیرہ۔ و حالیت
آتا فیصلہ غاک ساندہ بے رحم مریرہ۔

ہندراستی ء ژاں پال سار تر دا جملہ ٹی دن در شان کر یس کہ ”بندغ ہمودے
ہر ادے او تینے تینا عمل آتا وسیلہ سٹ جوڑ کیک۔“ انقلابی بندغ چاہک کہ اگہ او ذاتی
زندہ ہر وخت اول سٹ تحا گڑا تحریک سٹ تد مننگ بیرہ اسہ دعوہ اس سلیک۔ و اگہ
اودا گواچن ء مننگ آن بیدس ہم قربانی تر و گڑا اونا تہٹی خرینی و گلہ ودی مریک۔

تحریکی زندنا خواست دا اف کہ بندغ ذاتی آزند آن بد دے، ولے دادے کہ اویتنا
ترجیحات آتے ایمانداری سٹ پہہ مرے۔ بسند آگجینکاری دم دریفیک، بے بسندی

دم دریفک۔ انقلابی ہیکاری بندغ، ہندابندی اسکان سرکننگ ناکوشٹ یک، تاکہ
اوانت اس کہ کے، تیوہ شعور یٹ کے۔

بے تواری، خف تورنگ و تپنگ نا طاغت

بے تواریء گیشہ تر نزوری اس تگنگ، و ہیت کنگ ء طاغت اس۔ داخیال نفسیاتی ردبٹ سوگواف۔ گواچن دادے کہ بندغ گیشتر داسوب آن ہیت یک اتے کہ او خف تورنگ آن خلیک۔ خف تورنگ بندغ ء تینا سیم آتا، تینا کم زانتی و تینا ردی تا موناہ لمیفک۔ ہندا مونتس ء انا گیشہ تر سہ لپک، ہندا سوب آن چبی ٹ نرنگ ء تینائی یک۔

نفسیاتی ردبٹ ہر بندغ نا تہی اسہ دفاعی ارمان اس مر یک کہ او تینے سئی، اختیار تنخوک و راست ثابت کے۔ ہندا ارمان ناسوب آن او ہر سوچ ننا ورندي تننگ نا کوشت یک، ہر شرہ ٹی تینا خیال آتے در شان یک، و ہر معاملہ ٹی تینے بجاہ جوڑ یک۔ ولے دادمی آدر شانی گواچن ٹ ذہنی توار توار (شور) و دی یک، ہرائی سرپنداری، سوچ و فکر کنگ و ہیل کنگ نابود گنو مر یک۔

انقلابی بندغ دا توار توار آن پیشہ تمنگ ہیل کیک۔ او چاہک کہ بے توارى نامعنه لا
 علمى اف بلکہ تینا لا علمى چاہنگ ناجیرت۔ او ہر گپ آہیت کنگ نا جاگہ غا ولسر
 خف تورک، انتے کہ او چاہک کہ خف تورنگ بندغ گواچن آن خرٹک واناغان مر
 دیک۔ خف تورنگ نا عمل بندغ دا ہیل ایک کہ ہر جنجال او نا کاریم تا گولدارہ ٹی
 اف، و ہند اشعور او دے کچ آن زیات ہر جاگہ او ار تمنگ آن رکھک۔

بندغ ہر اتم تپنگ ۽ منیک گڑا ہند اڑے او اولیکو جارتینے فریب آن آجو کیک۔ او تینا
 پچار ۽ معلوم داری تا کوڑ ستون آخہ بلکہ راستی و گواچن ناپٹ و پول تون ٹفک۔ داجتو
 بندغ ۽ مٹ کیک، انتے کہ او سوج نا خف تورنگ ۽ بناء کیک، ورندي تمنگ سٹ
 اشتاف کپک۔

بے توارى ہمو تم طاغت اس جوڑ مریک ہر اتم او ہیل کنگ، پہرہ منگ و تینے محدود
 تخنگ ناشعوری بود و لا نخی اس مرے۔ انقلابی بندغ داسوب آن چپ مفک کہ او
 نزور ۽، بلکہ داسوب آن کہ او چاہک ہر اڑے ہیت کنگ المی ۽ و ہر اڑے اف۔ بے

تواری، خف تورنگ و تپنگ تون امناکنگ انقلابی ہیلہ ماری ٹی نزوری نا آخہ بلکہ
سوگوی نانشانیء۔ ہنداسوگوی بندغء اشتاف کنگ آن، ردانگا فیصلہ غاتیان وبے المی
آڈک لنگ آن رکھک، وہندالانچی اودے گواچن آمعنہ غاتیٹی زہم شاغوک جوڑ
کیک۔

فیصلہ سازی و بے سہبی نا بھیم ٹنا ایسری

انقلابی جہد ٹ تیوہ گڑا تیان زیات کُنٹ کروکا کیفیت دژ من نا بھیم آخہ بلکہ بے
سہبی نا بھیم مریک۔ دا بھیم بے توار مریک، ولے مدام مریک۔ دا بندغ ۽ گام
خلنگ آن توپک بلکہ گام ۽ اُرے آہر فنگ آ بے وس کریسہ کیک۔ و ہندا اُرے آ
کروکا فیصلہ مدان مدان آاسہ آختی عادت اس جوڑ مریک۔

نفسیاتی رد ٹ بے سہبی نا بھیم گواچن ٹ نہ خان نا بھیم تون کم وچار نا بھیم تون
زیات تفوک مریک۔ بندغ بے سہب منگ آن داسوب آن خلیپک کہ کاریم بگاڑ
مرو، بلکہ داسوب آن خلیک کہ اونا چند ناعکس زہی مرو۔ اوداسہ گنگ کپک کہ اورد
پاش مرے، نزور خنگے، یا اونا خیال نمں ورد مرے۔ دا بھیم ٹ بندغ فیصلہ کنگ نا
جاگہ غا جاج ننازی آ جاج ہلسا کیک، وتینے ردایتک کہ اوپام کنگ ۽۔

انقلابی بندغ داکر ۽ پپہ مریک۔ اوچاہک کہ فیصلہ نہ کنگ ہم اسہ فیصلہ کسے، وگیش تر

تیوہ گڑا تیان زیات نہ خان تروک ہم ہند اڈے۔ اودا ہم سرپند مریک کہ بے سہی
اسہ تدینی اس آخہ عمل نالئی اگمان کُے۔ ہر ابند غ بے سہی ناگمان اُمنپک، او
گواچن ٹ عمل کنگ ناحق آن ہم دوتے بڑزاکیک۔

دنکہ سار ترپانک کہ بند غ تینا آجوتی ناباریم آن لپڑزہ مریک، اتنے کہ آجوتی نامعنہ
گچینکاری، وگچینکاری نامعنہ ذمہ واری۔ ہند اسوب آن او فیصلہ اہلپک، تاکہ ذمہ
واری ہم مُرمرے۔ ولے وخت کس اہم بٹ چک۔ ہر ا فیصلہ بند غ کپک، اودے
حالیٹ آک او ناپارہ خان کیرہ۔

دا گواچن اہٹا آرینڈٹ دن در شان کریس کہ ”عمل کپننگ ناگچینکاری ہم عمل نا
اسہ دروشم کُے، واونابھرم آتیاں کس اس تینے کشنگ کپک۔“ بے سہی بند غ
پر غپک، تینے آن نرنگ پرنگ۔ ہر ابند غ فیصلہ کیک، او ہیل کیک۔ ہر اہیل کیک،
اومٹ مریک۔ وہرامٹ مریک، ہمو جہد نالائخ سلک۔ انقلابی بند غ سر سہی نا

پٹ و پول سٹ منگ بلکہ ذمہ واری تاہر نوکا مریک۔ اوچاپک کہ دیہاڑ فیصلہ ناجوان
منگ آ آخہ، فیصلہ کنگ ناجیرت آنوشتہ یک۔

کمفرٹ زون، بھیم و بندغ کون آ جناور آن انقلابی بندغ اسکان

کمفرٹ زون اسے جاگہ اس اف، اسے نفسیاتی حالت کسے۔ داہمو کیفیت ۽ ہر اڑے
بندغ جسمانی ردیٹ سروپر یٹ مریک ولے ذہنی ردیٹ یخ تفوک مریک۔ او
ہڑ دے اسے کاریم ۽ وار وار آیک، ہمو گڑا ۽ سوچک، ہمو جوا ۽ ایتک، و ہندا تکرار ۽
رکھ ناپن ۽ ایتک۔ نفسیاتی ردیٹ کمفرٹ زون بھیم ناعٹ آن مہذب آدرو شم ۽۔
دا بندغ ۽ دامارنگ کن ہلپک کہ او خلینگ ۽، ولے ہندا بھیم نائیک آودے سروپر
کننگ آن مرتخسا یک۔

انقلابی جہد یٹ کمفرٹ زون غٹ آن بھیم بش کرو کاڈر من مریک، انتے کہ داپاش
ڈک لگنگ نا جاگہ غا عادت نادر و شم یٹ کاریم یک۔ بندغ داسر پند مننگ ۽ بناء یک
کہ چونکہ او ساڑی ۽، ہندا سوب آن او کاریم یٹ بروک وز ہم شاغوک ہم ارے۔
چونکہ او کاریم تیان خرک ۽، ہندا سوب آن او جہد نائشخ اس ہم ارے۔ ہندا فریب

بندغِ تہہ آن ہورک کیک۔ او جتاور آنبار زندہ سلیک، ولے بندغِ آنبار گچینکاری
کپک۔

نفسیاتی ردِ نٹ کمفرٹ زون بندغِ رسک آتیاں خلیفک، ورسکِ بے الیٰء گڑا اس
پار سار دکیک۔ او ہر پوسکنا گامِ ہول اس، ہر پوسکنا ذمہ واریء باریم اس، و ہر مٹی و
بدلیٰ انتشار اس گوندک۔ دن بندغِ تینار کھ سناپن آتینا جند سٹالانچی تے بندی کیک۔
دابندی گری بے توار مریک، ولے پور و مریک۔

بندغِ یا تو بھیم سٹون اور زند کننگ ہیل کیک، یا بھیم سٹائیک آزند کننگ۔ انقلابی
بندغِ اولسر کسر نا گچینکاریء کیک۔ او چاک کہ بھیم ایسر مفک، ولے داکان بیدس
ہم عمل کننگ مریک۔ او داہم سرپند مریک کہ بیدس بھیم نئی تینے بنگ آن بچہ ہم
مٹی و بدلیٰ اس منگ کروک اف، خواہ او ذاتی مرے یا اشتماعی۔

طاغت رکھ آن آخہ، ڈک لگنگ آن ودی مریک۔ انقلابی بندغِ بھیمِ دوست

تنچپک، ولے اوڑان نرپک ہم۔ اوچاک کہ ہر اوندغ بیرہ رکھوک مننگ ناہیل
مرے، اودان مدان آوندغ اس سہ لمپک بلکہ اسہ پام کرو کو ولے بے اختیار وجود
اسیٹ مٹ مریک۔ کفرٹ زون پر عننگ تنے آزار تنگ آخہ بلکہ تنے ولد اختیار
مننگ ناپن۔ ہند اختیار بندغ جناور آن جنائیک، وہند اختیار انقلابی بندغ ناو لیکو
پجار مریک۔

جند ننا نغداکاری بقاء نا سلہہ نا دروشم ٹ

تینا جند ننا نغداکاری ء گیشتر نزوری، انتشار یا بے باوری نانشانی اس سرپند مننگ، دافکر نفسیاتی رد نہ رد ء۔ گو اچن نہ جند ننا نغداکاری بندغ نا ذہنی طب و فکری ہست و بقا نابند اوی سلہہ ء۔ ہر ابندغ یا تحریک تینے آسونج ہر فنگ نا کشاد ء گوہک، او مدان مدان آسلینگ و تخ لفنگ نا گواچی مریک، و تخ لفنگ گڈ سر نہ زوال نہ مٹ مریک۔

نفسیاتی تلہ فا جند ننا نغداکاری انا کن غٹ آن سخت انگا عمل مریک۔ انا ابری حساب نہ مدام تینا دفاع ٹی مریک۔ اوردی ء مننگ نا جاگہ غا جو ازودی کیک، نغداکاری ء دژ منی اس تنک، و اصلاح ء تینے آٹوک ناپن ایٹک۔ داہمو تلہ ء ہراڑے بندغ ہیل کنگ ء بند کیک۔ و ہراہیل کنگ ء بند کے، او گو اچن نہ مٹ مننگ ء ہم بند کیک۔

انقلابی بندغ دا نفسیاتی جال ء پہرہ مریک۔ او چاہک کہ جند ننا نغداکاری نامعزہ تینے شیف بنگ آخہ بلکہ تینے جو ان انگا جاگہ غا تخنگ ناء۔ او تینا ردی تے اخلاقی بے

سہ جہی آخہ بلکہ ہیل کنگ نامو اد گوندک۔ ہندارویہ اودے ایلو تا نغد آتے بنگ نا
 لائخ جوڑ کیک، انتے کہ ہر کس تینا جاج ۽ ہنگ ہیل کرینے، او پیش ناسوج آتیاں
 خلیک۔

جند نانا نغد کاری بندغ ۽ اونا گینکاری نامونا ہتیک سہ لمیفک۔ بندغ دامیک کہ اونا فیصلہ
 خاک اونا جند نانسر، و او فتا بھرم آتا ذمہ واری ہم اونا زی آٹے۔ دا اونا کنگ آزار
 ترو کو اس منگ کیک، و لے ہندا آزار شعور ۽ کڑمب کیک۔ جند نانا نغد کاری گواچن
 نٹ داوہم نا لیسری ۽ کہ بندغ مدام راست منگ کیک۔

دائک ۽ کارل پوپر دن در شان کریس کہ ”نغد کاری علم نازند ۽، و نغد کاری آن
 بیدس بچ ۽ فکر اس مونی ہنپک۔“ دا جملہ بیرہ علم نکلن اف، جہد نکلن ہموخس راست
 ۽۔ ہر اتحریک جند نانا نغد کاری آن اڑزی مرے، او تینا ردی تے مقدس جوڑ کیک۔ و
 مقدس آردیک غٹ آن زیات بھیم بش کروک مریرہ، انتے کہ او فتیا سوج ہر فنگ
 نامو کل مفک۔

انقلابی ہیکاری ٹی چند ناناغہ کاری نامہ سخت دوبہ خلنگ آخہ بلکہ ہست و بقائے۔ داہمو
عمل ہر ابندغ و تنظیم ہڑتوم آتے تیخ تفنگ آن رکھک۔ ہر اتینازی آسوج ہر فنگ
کیک، اوڈژمن ناسوج آن پنپک۔ و ہر اتیناردی تے خلنگ کیک، بیرہ ہمو او فے
مٹ کنگ ناطاغت ہم تحک۔

گلہ، دوبہ خلنگ و فکری سوگوی

گلہ و دوبہ خلنگ ایہن تو نزوری نادر شانی نالکک، ولے نفسیاتی ردیٹ دا اسہ دفاعی اٹکل اس مریک۔ بندغ ہر اتم تینا بے سہجی، سرگڑ دانی یا بے لائخی نامونٹس نکلن لائخ مفک گڑا او لاشعوری حساب بٹ ذمہ واری ۽ تینا وجود آن پٹیشن سرکیک۔ ہندا سرکننگ گلہ نابولی ۽ اختیار کیک، و دوبہ خلنگ دا بولی ناغٹ آن سبک آلچہ جوڑ مریک۔

نفسیاتی تلہ غاگلہ کننگ گواچن بٹ تینے بے ڈوہ پاش کننگ ناکوشٹ اس مریک۔ بندغ دامننگ ناجاگہ غاکہ او جاہ اس نزوری کرینے حالیت آتا، بندغ آتا یا بست و بند نازی آدوبہ خلیک۔ دا عمل آن وختی ۽ ایش کامی اس تور سہ مینگ، ولے دانانہاد بھاز کبین مریک۔ بندغ ہیل کننگ نابود ۽ گوہفک، انتے کہ ہر اتنے ہر حالیت بٹ راست گوندے، او انت نکلن مٹ مننگ ناگرج ۽ مارو؟

انقلابی بندغ دانفسياتی مکرء پهره مریک۔ او چاکہ کہ گلہ شعورء تالان کپک، تر شاعک۔ دوه خلنگ بندغء وختی ردیٹ سبک کیک، ولے تہہ آن نزور کیک۔ اودا ہم سرپند مریک کہ ہر جنجال یٹ ایلو بندغ ناردی ءپشٹ خانڈنگ گواچن یٹ تینا ذمہ واری تیان دوتے بڑاکننگ ناشیلء۔ ہر ایلو بندغ ہر بے سہی نازمہ وار ایلو تے کے، او مدان مدان آتینے بے مؤثر گوندنگ بناء کیک۔

بندغ یا تو تینا زندء تینا فیصلہ غاتا بھرم اس گوندک، یا تو گڑا اودے ایلو تاکر، نا انصافی و بد نیقی تے چچی اس گوندک۔ اولی کسر آزار ترو کوئسے، ولے آجونی ناپارہ غاکانک۔ ارٹمیو کسر اڑانء، ولے مدامی کن جمود ناپارہ غاکانک۔

دانفسياتی گواچنء کارل یونگ درشان کرسا پانک ”ہرا گڑا ننے ایلو تیٹی غٹ آن زیات وڑپک، او گیشہ تر ننے ننا چند ننا بابت یٹ گڑا اس پہرہ کرسا مریک۔“ بندغ ہرا نزوری تی غٹ آن زیات توار توار کیک، هموزوریک گیشہ ترا ونا چند نی غیر شعوری

رہنٹ ساڑی مریرہ۔ انقلابی ہیکاری نامہ سخت ہندا توار توار چپ کرفہ ہ بندغ اونا
تہہ ناپارہ غاڑ سنگ ناء۔

گلہ کنگ آن تحریک مستی ہنپک۔ دوبہ غان نظم جوڑ مفک۔ انقلابی بندغ ہندا سوب
آن گلہ مچٹ و سون زیات کیک۔ اودا سون کپک کہ ڈوہ دیر ناء، بلکہ داہرک کہ ذمہ
واری ہراکان اونا دوٹی بریک۔ ہندا رویہ فکری سوگوی نانشانی، و ہندا سوگوی جہد
موننی دیک۔

کرپشن و خود غرضی نا بیدس مالی دروشمک

کرپشن ء لس حساب نٹ پیسہ، ہیرا پھیری یا ڈی تادزی اسکان گوندنگ۔ داخل
سطحی ء۔ نفسیاتی رد نٹ کرپشن اسہ رویہ نئے، ورویہ بیرہ مالی مفک۔ ہر اتم بندغ تینا
آسرائی، انا یا ذاتی ترجیح ء اشتماعی ذمہ واری آن بڑزنگ گڑا او ہمو ساعت آکرپشن نا
اسہ بیدس مالی دروشم سیٹی پیہک، پانے او نادوٹی اسہ روپنی اس ہم مف۔

نفسیاتی تلہ غا خود غرضی گیشہ تر شعوری بدنیتی اس مفک بلکہ بے شعوری ترجیح اس
مریک۔ بندغ تینا جارات، تینا وخت، تینا ناداری یا تینا خیال آتے ہمو دنگ اسکان
اہمیت تروک گوندنگ ء بناء یک کہ ہراڑے مسخت او فتیان پدی سلیک۔ او کاریم تو
کیک، و لے تینا شرط آتا بند او آ۔ او ذمہ واری ء منیک، و لے تینا آسرائی تا حساب
نٹ۔ داوڑ کرپشن بے تواری نٹ لس ء عمل اس جوڑ مریک۔

بیدس مالی کرپشن نادروشمک اشکن مریرہ۔ کاریم ء ارے آکنگ و نیمون کننگ، ذمہ

واری ۽ نیم گڈ لوکنگ، تنظیمی مڈی تے ذاتی عادت لُسنے نا حساب نٹ کاریم نٹ ہنگ،
 یاتینا بے لائخی ۽ حالت آتابش نٹ شاعنگ، داتیوہ گڑاک کرپشن ناہم وروشم آک ۽
 ہراگیشتر خنگ نٹ بفسہ ولے نظم ۽ تہہ آن کنیرہ۔ داڑے نساخان یکدم ہمو وخت آ
 مفک، ولے آخبتی مریک۔

انقلابی بندغ دا اُشکنی ۽ پہہ مریک۔ اوچاہک کہ کرپشن مدام ہڑس آن آخہ، گیشتر
 بے حسی آن ودی مریک۔ ہرا تم بندغ تینا عمل ناز ہم آتابابت نٹ حساس مف گڑا
 او مدان مدان آخیانت ۽ لس ۽ گڑا اس گوندنگ بناء کیک۔ ہندالسن منگ غٹ آن
 زیات بھیم بش کروک مریک، انتے کہ داڑا بچ ۽ ہور اس بڑز مفک۔

بندغ یا تو تینا ہر عمل ۽ اشتماعی بھرم آتون گندک، یا گڑا او دے ذاتی معاملہ اس پار سا
 ذمہ واری آن تینا لُح ۽ خلاص گوندک۔ او لیکو کسر سخت ۽، ولے ذمہ واری نا پارہ غا
 کاتک۔ ارٹمی کو کسر اڑزان ۽، ولے اخلاقی زوال نا پارہ غا کاتک۔

ہندائیک ء میکس ویر ذمہ واری نا اخلاقیات نازی آہیت کرسا پاش ءوڑا سیٹی در شان
 کریس۔ ”بندغ تینا عمل آتا مروکا بھرم آتا ہم ذمہ وار مریک، بیرہ تینا نیت نا
 آخہ۔“ میکس ویر نادا جملہ بیدس مالی کرپشن نابنداء ء سرکف تحک۔ نیت ناصفا مننگ
 ناد عوہ ہمو وخت بے معنہ مریک ہر اتم عمل نابھرم آک نہ عان تروکو مریر۔ انقلابی
 ہیلکاری ہنداسوب آن نیت آن زیات زہم ء ہرک، و آسراتی آن زیات ذمہ واری
 ء۔

کرپشن نا ایسری قانون دئے آن آخہ، شعور آن مریک۔ و شعور ہمو تم و دی مریک
 ہر اتم بندغ تینا ہر ترجیح ء مسخت نامونا تحسا اونا جاج ہلنگ ء ہیل کے۔

لائخی، خواری و ڈسپلن نا تینتون سیالی

خواریءِ گیشہ ترینکی، ولائخیءِ ابری لائخی اس گوندنگ۔ داہڑ تو ماخیال آک نفسیاتی ردیٹ نیم گورے۔ خواری اگہ نظم آن بیدس مرے گڑا اودم دریگ نیٹ مٹ مریک، ولائخی اگہ خواری آن بیدس مرے تو او زوال مریک۔ انقلابی بندغ دا ہڑ تو ماتا نیام نسا سیالیءِ پہہ مریک، انتے کہ او چاہک کہ بیرہ نیک نیقی اسہ جہد نئے زہم شاغوک جوڑ کپک۔

بندغ خواریءِ داسوب آن رومانوی جوڑ کیک کہ اوٹی یکدم ءِ اخلاقی ایشہ بھامی اس رس مینگ۔ خواری کشہ ما بندغ تینے راست مارک، پانے بھرم تانزور مرے ہم۔ ولے لائخی اسہ بے رحم ءِ آدینک نئے۔ دا بندغ ءِ اونا سیم ودنگ آتے نشان ایتک، اونا ردی تے اونا موناتھک، واوڑان مدام ہیل کنگ نا خواست ءِ کیک۔ ہنداسوب آن بھاز آ بندغ آک خواریءِ ترجیح ایترہ، ولے لائخی آن پانادی کیرہ تینے۔

آشوبی نظم دافرغ ۽ پاش کیک۔ نظم خواری ۽ کسر نشان ایتک، ولائخی ۽ کاریم نٹ
 ہتنگ نالائخ جوڑ کیک۔ بیدس نظم آن خواری بے شون ءوس لُے، و بیدس لائخی
 آن نظم بیرہ اطاعت لُس۔ انقلابی بندغ داہڑ توم آتے اسٹ ایلو تون گنڈک، انتے
 کہ اوچاہک کہ اشتماعی جہد نٹ ہر ردی نانہاد ۽ بیرہ بندغ آخہ بلکہ تیوہ ڈھانچہ سر
 ایتک۔

ہندا گواچن ۽ ارسطودن درشان کر یس۔ ”کمال اسہ یکہ ء عمل اس اف، بلکہ دا
 عادت لُے۔“ کمال وختی ء جوزه لُے آن آخہ، چر جوئی نٹ راست انگ عمل آن ودی
 مریک۔ انقلابی بندغ ہندا سوب آن وختی آکاریم تا جاگہ غاساندہ سلوکا معیار ۽ ترجیح
 ایتک۔ اوکم یازیات کاریم کیک، ولے جوان ءوڑ اسیٹی کیک، انتے کہ اوچاہک کہ
 معیار ہمو گڑا ۽ ہر اباور ۽ ودی کیک۔

خواری اگہ لائخی تون گنڈوک مرے، ولائخی نظم نپا بند مرے، گڑا جہد خامہ ء

طاغت اس سہ لمپک بلکہ زہم شانوک ء طاغت اس جوڑ مریک۔ ہندا طاغت انقلابی
بندغ نا اصل پجار ء، و ہندا پجار تحریک ء پاندار جوڑ یک۔

شعوری ہمگرچی مون مقابل جوزئی ہمگرچی

جوزئی ہمگرچی شتاب مریک، ولے پاندار مفک۔ شعوری ہمگرچی مدان آجوڑ
مریک، ولے پاندار مریک۔ انقلابی جہد گیشتر آبدغ آک جوزہ آتازور آتدو
تفوک مریرہ۔ خار، دژد، رومان و مظلومیت اوفتے متحرک کیک، ولے ہنداجوزہ
آک اگہ شعور ہٹ ہڑسینگسپس توزوت دم دریگ، بے اومیتی وگلہ ٹی مٹ مریرہ۔
ویل جوزہ آتا آتہ، اوقا مرکزیت ناء۔

جوزہی رد ہٹ تفوک منگ بندغ و مدستی معنہ سے نامارشت وایتک۔ اودے لگ
کہ او اسہ بھلومسخت کسے نابشخ اس جوڑ مسنے، ولے داتفوک منگ ناتہٹی اسہ بھیم
اس اودیم مریک۔ بندغ مسخت ناجاگہ غایتنامارشت و رکھنگ نابناء کیک۔ ہر اتم
حالت آک دامارشت ناوڑ ہٹ مفس گڑا اوتینے اسہ فریب ایٹی مارک۔ ہنداسوب
آن ہر اتم حالت آک سخت مریرہ گڑا جوزئی ہنگرچی پنک، و بندغ تینے تینا کنگ بناء
کیک۔

شعوری ردیٹ تفوک مننگ داڑان چپ عمل کیک۔ داڑے بندغ اول پہہ مریک،
 ولد اتد مریک۔ اوچاہک کہ جہدیٹ تضاد، بے سہی و مرغن ءبے توارى اس مرو۔
 اودا، ہم چاہک کہ ہر ساعت جوزئی ایشہ کامی دوفرو۔ ہندا علم تون اوار اوتد مریک،
 ہندا سوب آن اوناگمان آک مچٹ و سگ زیات مریک۔

بندغ یا تو تینا تد مننگ ء احساس نا اڑکا غاہلک، یا اودے شعوری ء فیصلہ اسیٹی مٹ
 کیک۔ اولیکو کسر بندغ ء حالیت آتا بندی جوڑ کیک۔ ارٹمیکو کسر اودے ذمہ واری نا
 ہر فوکا جوڑ کیک۔ شعوری ردیٹ اوار مننگ یٹ بندغ داسونچ کیک کہ کنے انت دو
 برو، بلکہ داہرک کہ کنے آن انت درکار ء۔

ہندا فرخ ء ہٹا آرینڈٹ ذمہ واری و عمل ناسیالی آہیت کر ساجھاز کڑمب ء معنے اسیٹی
 درشان کر یس کہ ”سیاسی عمل جوزہ آتیاں آخہ، ذمہ واری تون شعوری امناننگ
 آن ودی مریک۔“

جوزہ آک بریرہ کارہ، ولے ذمہ واری سلیک۔ انقلابی بندغ ہنداسوب آن تینا
مارشت آتیاں نمٰن کپک، ولے اوفتے موکش ہم جوڑکپک۔ او جوزہ آتے طاغت
جوڑکیک، ولے کسر شعور آن ہلیک۔

شعوری ہمگرچی بندغ پنگ آن توپک، ولے شینگ شینگ منگ آن الم رکھک۔
ہنداواری جہد وختی آلا ر آن کشہ سہ مااسہ مرغن، سلوک و باوقار سفر ایٹی مٹ
کیک۔

سَلاہ، اختلاف و تنظیمی حد حویل

اختلاف تینٹ بچے ویل اس اف۔ ویل ہمو تم ودی مر یک ہر اتم اختلاف انا ناشایتی،
یا سلاہ یتینا نشان نا وسیلہ اس جوڑ کنگے۔ بندغ یتینا سلاہ تون داخہ در تفنگ کہ اوڑا نغد
اوتینا ذات نازی آجلہو اس گوندنگ بناء کیک۔ ہندا، ہبکی اختلاف فکری عمل نا
جاگہ عاجوزہ آتاؤک لنگ ٹ مٹ کیک۔

انقلابی بندغ دافرغ ۽ پہرہ مر یک کہ سلاہ ہنگ و سلاہ ۽ نافذ کنگ اراجتاؤ گڑاؤ۔ ہر
بندغ ناہرنگ ناجتاؤ زاویہ اس ہنگ کیک، ولے ہر زاویہ ہر جاگہ غانا فذ ہنگ نالائخ
مفک۔ تنظیمی جہد ٹ سلاہ نا قدر او نا راست ہنگ آن آخہ بلکہ او نا جاگہ، وخت و
زہم آن کچین مر یک۔ ہر سلاہ تنظیمی حد حویل آن پیش در شان کنگے، او گیش تر
اصلاح نا جاگہ غا انتشار ودی کیک۔

نفسیاتی تلہ غا غیر متعلقہ جاگہ غا سلاہ ہنگ گیش تر یتینا پارہ غا پیام نا خواست کنگ، بے

منگ یا تہہ نہاے جارقی نادرشانی ناپنء۔ بندغ دامارک کہ اگہ اوناہیت۔ منگتو گڑا
اونا ارزشت کم مرو۔ ہندا بھیم کئی او نظم ناپر غنگ ء حیرت و اختلاف ء بہادری
گوندنگ بناء کیک۔ انقلابی شعور دامکر ء پہہ مریک۔

اسہ انقلابی بندغ کسے داہیت ء منوئی تمک کہ اشتماعی جہد نٹ اونا ذات۔ بجاہ مفک۔
سلاہ ناحق ذمہ واری تون اوار بریک، و ذمہ واری ناخواست دادے کہ بندغ تیناہیت
ء ہموڑے کے ہراڑے اومسخت ء سوگو کے، نیکہ تینا ساڑی گری ء نشان منگ کن۔

ہندا اصول ء ہٹا آرینڈٹ عمل وگپ کنگ ناسیالی آہیت کرسادن درشان کر یس۔
”گپ کنگ ہمو تم سیاسی معنہ محک ہرا تم اواسہ مشترک ء جہان اس برجاہ تھے، نیکہ
بیرہ ہیت کروکا بندغ نادات ء موناہتے۔“ انقلابی بندغ تینا سلاہ ء تینا ذات نادرشانی
آخہ بلکہ اشتماعی فکر نہا جوڑ کنگ وردوم ناوسیلہ اس جوڑ کیک۔ تنظیمی حد حویل
گواچن نٹ سلاہ ء پچر یفنگ نا آخہ، اودے زہم شاغوک جوڑ کنگ نا طرز کار کسے۔

ہر انقلابی بندغ واحد حویل؄ پہہ مرک؄؄ او اختلاف؄ پر عنک ناجاگہ غا جوڑکننگ نٹ
مٹ کیک۔ ہندا فرخ فکری خامنی؄ انقلابی سوگوی نانیام نٹ سیم اس سٹک۔

مسخت، معنہ و بوریت نا مکر

بوریتِ گیشہ تر بے کاری، جارات یا حالیت آتا سستی تون گنڈنگ، ولے نفسیاتی رد
نٹ بوریت اسہ بھیم بٹش کروک ءنشانے لُے۔ داہمو وخت ودی مریک ہر اتم بندغ نا
عمل او نامہ خت آن کش لنگے۔ ہر اڑے معنہ ایسر مرے، اوڑے وخت کبین ءباریم
اس جوڑ مریک، و ہر اڑے وخت کبین مرے، اوڑے بندغ تینے در کار نٹ بفر وک
مارنگ ءبناء کیک۔

انقلابی جہد نئی بوریت کاریم نامبوتی ناسوب آن بک، بلکہ مسخت نازوری ناسوب
آن بریک۔ ہر ابندغ گواچن نٹ اسہ جہد اس تینا وجود تون گنڈک، اوڑکن وخت
وختس ہم ہو رک مٹک۔ اودم درینگ کیک، پنگ کیک، ولے بور مننگ کپک۔
بوریت گواچن نٹ ہمو تم ودی مریک ہر اتم بندغ تینا تہہ آن داسوج ءیلہ کیک کہ
ای داغٹ ءانت نکلن کنگ اٹ۔

نفسیاتی ردیٹ بوریت تینے ریٹنگ ناسہ خلکنو ڈول لُے۔ بندغ داپانک کہ چاگڑد
 متحرک اف، حالت آک بخ تفوک ء، یاکاریم یٹ استخو، ہی س ملتے، ولے گواچن
 یٹ اوتینا مسحت تون جذباتی و فکری احوال ء گو فوک مریک۔ دا احوال ناپنگ آن
 بندغ کاریم تے مشغولی اس گوندنگ بناء کیک، وجہد ء وخت تیری اس۔

بندغ یاتینا عمل ء معنہ تون گندک، یاگڑا معنہ غان بیدس حرکت کیک۔ ارٹمیکو
 دروشم یٹ حرکت باریم اس جوڑ مریک، وھنداباریم بوریت نادروشم ء دوئی کیک۔
 انقلابی بندغ دامکر ء پہہ مریک، اوچاہک کہ ویل دااف کہ کنگ کن ہچ اس اف، ویل
 دادے کہ کنگ ناسوب مچی مسے۔

داگو اچن نازی آپروکٹر فرینکل پاریس۔ ”ہرا تم بندغ تینا زند نامعنه غان کش ملک،
 گڑا ھمو کندزو بے جاراتی، دم درینگ و بے مسحت مننگ آن پر مریک۔“ دا جملہ
 بوریت ء بیرہ ذہنی حالت اس آخہ بلکہ معنہ نانیستی نادروشم یٹ مونئی تیک۔ انقلابی

ہیلکاری ہنداسوب آن اختئی نازی آآخہ، مسخت ناودی کنگ نازی آزورایتک۔
کاریم نابھازی آخہ، معنہ ناوضاحت گواچن آگرچہ۔

انقلابی بندغ بوریت ءگلہ اس جوڑکپک بلکہ سوج اس جوڑکیک۔ اوتینے آن سوج
کیک کہ اونامسخت ہراڑے مچی مس، واواو دے ولد امرپاش کے۔ ہنداسوج جہد
ءپوسکن کیک، وہنداپوسکنی بندغ ءوخت ناباریم آن آجو متحک۔

گمنامی، سگ و نشان تفروکا جہد

گمنامیء گیشہ تر کم درجہ یا بے سہی تکلنگ، ولے نفسیاتی ردئٹ داسگ بناغٹ آن سخت انگا دروشمء۔ بندغ ابرمی ردئٹ پجار، باور و صفت خواہک۔ ہر اتم دارمان کچ آن زیات ودے گڑاجہد مسخت اس سلپک بلکہ نشان تنگ اس جوڑ مریک۔ انقلابی بندغ دانفسیاتی نزوریء پہہ مریک و دادے نظم بناوسیلہ ٹ سوگویی ٹ تورک۔

نشان تنگ نارمان گیشہ تر عدم تحفظ آن ودی مریک۔ بندغ دامارک کہ اگہ اودے ہر گمتو گڑا اونا ارزشت ایسر مرو۔ ہندا بھیم نئی اویتنا عمل ء نشان تنگ نئی مٹ کیک، اویتنا بے توار آنخاریء درشان نادر وشمء ایک۔ دارویہ وختی ء ایشہ کامی اس ایک، ولے تہہ بناوسوگوییء نزور کیک۔ سگ داڑان چپ عمل کیک۔ سگ بندغ ء ہیل ایک کہ ہر راست وجوان انگا عمل ناپڑوالمی اف، و ہر بے تواری نہ خان اس مفک۔

انقلابی جھنڈ گمنامی اسہ نفسیاتی ہیلکاری لُئس۔ دابندغ یتنا ذات آن پانادی منگ و
 مسخت آن خڑک منگ نالانخی ہیل ایتک۔ ہر ابندغ گمنامی ۛسہ لگ، اونغد آن
 پنپک و صفت آن چپ تمپک۔ ہندا تول نابریری اودے مدام عمل کنگ نالانخ
 تمح۔ بیدس نشان تنگ آن کروکا جھنڈ بندغ بھرم آپام کیک، تاثر آآخہ۔

بندغ دامنیک کہ اونا قدر ایلوتا نظر آن آخہ بلکہ اونا جند نامعیار آن لچین مریک۔
 ہر اتم دامعیار پاش مرے گڑاپنی منگ ناخواست نزور تمک۔ انقلابی بندغ چاہک کہ
 ہر اجد نشان تنگ ناآزری مرے، اوتینا تہٹی ہو رک مریک۔

ہر اتم عمل صفت ناآزری مف گڑا اوزیات دیانت دار، زیات برجا و زیات زہم
 شاغوک مریک۔ انقلابی ہیلکاری ہند اسوب آن سگ ۛ بے توار ۛ طاغت اس سرپند
 مریک، نیکہ نزوری اس۔ گمنامی تینے تڑفنگ آخہ، تینے لچین انگا جاگہ غاتخنگ ناپن
 ۛ۔ ہندا جاگہ بندغ ۛ نشان تنگ ناباریم آن آجو کیک، و ہندا آجوئی جھد ۛ مرغن و
 سوگو جوڑ کیک۔

اخلاقی جیوت و راستی ناناہاد

اخلاقی جیوت بڑزء کو کار یا جذباتی ہکل لُستے ناپن اف۔ دا اسہ بے توار، مدامی ءو کبین ء عمل لُستے۔ اخلاقی جیوت ہمو تم و دی مر یک، ہرا تم بندغ دامنی ک کہ راستی مدام رکھو ک مفک، واداناہاد ء گیشتر تنیائی، مخالفت و لسخان نادر و شم بٹ سر تروئی تمک۔ ہندا بھیم ناسوب آن گیشتر بندغ آک راستی آن واخب مننگ آن بیدس ہم بے توار مریرہ، یاراستی ء خلکن کر سامنگ نالانخ جوڑ کیرہ تا۔

انقلابی جہد بٹ غٹ آن بھلا کر دامر یک کہ راستی مدام فائدہ ناسامان اس مرو۔ گواچن داڑان چپء۔ راستی گیشتر آزار ایتک، نظم ء چنڈک، و طاغت ناتول ء ہکل ایتک۔ نفسیاتی رد بٹ بندغ داؤک لگنگ آن بچنگ کن تینے دا پار سا است جم یک کہ داسکان وخت جوان اف، یا حالیت آک موکل تقسہ۔ ہندا اُرے کنگ مدان مدان آ اخلاقی لغوری ٹی مٹ مر یک۔

اخلاقی حیرت نامعنے ضد یازور کی اف۔ دانا معنے دادے کہ بندغ پہ رزراستی ء ترجیح
 ایسے، پانے اونا نہاد اونا پنی مننگ، جارات یا وختی رکھ مرے۔ انقلابی بندغ داتک ء
 پہہ مریک کہ ہر اجدہ راستی ء ندر کر سا بر جاء تخنگ، او وختی حساب ٹ سوگو نظر بنگ
 کیک، ولے تہٹی ہو رک مریک۔

بندغ یاتینا زند ء آسراتی تاڈول ٹ شون ایک، یا راستی ناڈول ٹ۔ ہڑتوماک اسہ
 جاہ مننگ کروک افس۔ راستی تون اوار زندکنگ نامعنے دادے کہ بندغ تینا ضمیر ء
 پیش نامنظوری آندر کپ۔ ہر اتم راست ء وار وار آندر کننگے گڑا بیرہ دروغ تالان
 مفک، بلکہ بندغ ناگواچن ء پہہ مننگ ناگشہ مادہم نزور مریک۔ انقلابی ہیلکاری ہندا
 سوب آن اخلاقی حیرت ء بندغ ناذاقی لائخی آخہ بلکہ جہد نابقاء ناشرط تک۔

اخلاقی حیرت بندغ ء رکھوک جوڑ کپک، ولے اودے شرف وادب نالائخ الم جوڑ
 کیک۔ وجہد ٹ شرف وادب طاغت آن زیات پائیدار مریرہ۔ ہر ابندغ راستی نا
 نہاد ء تننگ ہیل کے، ہمو بندغ جہد ء تینا ضمیر تون اوار مونی دنگ کیک۔

مٹی و بدلی منزل نا آخہ، مدامی عمل نا دروشم ٹٹ

مٹی و بدلی ۽ گئڻه تر اسه پاش ۽ منزل اس ٽنگنگ۔ اسه هندو ٺجهه اس هر اڙه سر مننگ
آن پد جهد ايسر مرو، ويل آک تو جيل مرور، و بندغ ايشه کامي اسيٽي پٽرينگو۔ داخيال
نفسياتي رد ٻٽ زيبدار ۽، و له گو اچن آن کشلوك۔ مٽي اگه منزل جوڙ مره گر ااو
حرکت ۽ گو ٺهنگ، و هر اڙه حرکت سله اوڙه زوال بناء مريک۔

نفسياتي تلہ غا بندغ مٽي ۽ داسوب آن کچ ٻٽ تخنگ خوابک تاکه به ٻيخيني ايسر
مره۔ او خوابک که اسه ده اس بره هر اتم او ده پين هيل کنگنگ، مٽ مننگ
ياتينا جاج ۽ بلوئي تمپ۔ و له هندو ارمان بندغ ۽ تهه آن ساکن کيک۔ هر ابندغ مٽي ۽
پورو مرو گو اچن اس تکه، اولاشعوري ڏول ٻٽ سونج کنگنگ ۽ يله کيک۔ و هر اسونج ۽
يله که، اولاشعوري ۽ هم گو ٺهنگ۔

انقلابي بندغ دامکر ۽ منپک۔ او چابک که مٽي و بدلي اسه مدامي ۽ عمل ٺسه، هر اوختس هم

پورو مفک۔ اودا ہم چاہک کہ ہر پوسکنا تلہ پوسکنا ذمہ واری، پوسکنا تضاد و پوسکنا سوج
ہتیک۔ ہندا سوب آن او سر۔ ہبی ایسری آخہ بلکہ اسہ پوسکنا امتحان کسے نابناء
سرپند مریک۔ اونا رنٹ غٹ آن بھلا بھیم بے سہبی آخہ، بلکہ سلنگ۔

بندغ یا تینے اسہ پورو پچار اس تلک، یا اسہ بر جاء عمل اس۔ اولیکو دروشم ٹ او
تینے رکھنگ نابناء کیک۔ ارٹمیکو دروشم ٹ او تینے مٹ کنگ کن تیار مریک۔
انقلابی بندغ ارٹمیکو کسر گچین کیک، انتے کہ او چاہک کہ ہر تینے سرجم تکا، اودہاڑ
تون او ار روان منگ۔

ہندا گواچن ہیر قلیطس درشان کرسا پار یس کہ ”چچ بندغ اس اسہ دریاب ٹ
اراجار اسہ جہہ اس گام تخنگ کپک، انتے کہ نہ دریاب ہمو جاگہ غاسلیک ونیکہ ہمو
بندغ۔“ ہیر قلیطس مٹی و بدلی اسہ گواچن اس آخہ بلکہ اسہ حالت کسے نادروشم
ٹ مونی ہتیک۔ ہر ساعت مٹ منگ، پانے بندغ دانا درشانی کے یا کپ۔ انقلابی

ہیلکاری نامر سخت دامٹی و بدلیء تو ننگ آخہ بلکہ اودے شعوری جوڑ کنگ ناء۔ بندغ
مٹ مر سا کے، ولے خن تر آخہ، حرکت کے، ولے بے کسر آخہ۔

مٹی و بدلی منزل آخہ، ذمہ واری کئے۔ ہر ا بندغ دا ذمہ واریء مٹا، او وختس ہم دا
دعوہء کپک کہ او سرمسنے۔ او بیرہ دا چاہک کہ اودے مستی روان مروئیء، تینا جاتجء
ہلسا کروئیء، و ہر پوسکنا دے کئی تینا جہدء ولد امعنہ تروئیء۔ ہندامدی آ عمل انقلابی
بندغ ناگڈیکو و غٹ آن زیات سوگو آپجاء۔

مظلومیت سیاسی بیانیہ نا دروشم ٹ،

و اونا نفسیاتی نہاد

مظلومیت اسہ دیہاڑی گواچن اس مننگ کیک، ولے ہر اتم دا اشتماعی بیانیہ اس جوڑ
مرے گڑ انفسیاتی ردیٹ بھیم بش کروک مرک۔ داڑے ویل ظلم آن نمں کنگ نا
اف، بلکہ داہیت نئے کہ ظلم ۽ نن تینا سیاست ٹ امر کاریم ٹ ہتینہ۔ ہر اتم
مظلومیت آختی پچار اس جوڑ مرے گڑ او جہد ۽ اخلاقی بڑی نا پڑدہ ٹ قید کیک،
ہر اڑے سوج، نغد و حساب ہلنگ ۽ بے المی یا غداری تلنگ بناء مرک۔

اشتماعی نفسیات ٹ مظلومیت نا بیانیہ اسہ خاص ۽ آسراتی اس بش خک۔ داہر بے
سہ ہی کن وضاحت اس بش خک، ہر نزوری ۽ پیش نا انگل اسیتون گندک، وہر تہہ بنا
سوج ۽ وخت آن مست بے توار کیک۔ دن انگا چا گڑ د ٹ تنظیمی ردیک اصلاح نا
سر حال سہلپہ۔ بلکہ دفاع نا معاملہ جوڑ مریرہ۔ دانا بھرم ٹ تحریک تینے راست پاش
کننگ ٹ اختہ مرک، تینے سوگو کنگ ٹ آخہ۔

دایانہ باسک نفسیات آتیا ہم زہم شائع، اوتینے اسہ فعال ء فاعل کسے ناجا گہ غا
 اسہ آختی زیمی مروک اس تگنگ بناء کیک۔ داحالیت سٹ ذمہ واری باریم اس جوڑ
 مریک، نظم بیدادی اس اگمک، ولائخی ثانوی جوڑ مریک۔ مظلومیت داڑے
 استخواہی اس ودی کیک، ولے طاغت ودی کپک۔

انقلابی شعور داتلہ غا اسہ سخت ء ولے المی ء چشخ اس کشک۔ او سرپند مریک کہ ظلم
 گواچن کسے، ولے داہم سرپند مریک کہ ظلم ہر سوج ناورندی مننگ کپک۔ جہد
 ہموڑے نزور مریک ہراڑے مظلومیت ء دلیل، جواز واسپر داہر مسٹ جوڑ کنگے۔
 داڑے مظلومیت طاغت ناوسیلہ سلپک بلکہ طاغت نامکرنٹ مٹ مریک۔

ہندائک ء فینن بھاز بے رومانوی دروشم اسٹ پاش کریس۔ ”نو آبادیاتی حالیت
 آک تینتون تینٹ آجوی ودی کپسہ، آجوی ء بندغ ء تینٹ جوڑ کروئی تمک۔“ فینن
 مظلومیت نابیانہ ء اونا سیم آتیٹی تمک۔ ظلم وجود سٹ بنگ کیک، ولے آجوی ناگشہ ماد

تینتوں تینٹ ودی مفک۔ اودے نظم، شعور، لائچی و تینے آن حساب ہلنگ ناوسیلہ
ٹ ودی کروئی تمک۔

انقلابی تحریک ہمو وخت ورنامریک ہراتم او مظلوم مننگ آن بیدرس ہم مظلومیت نا
سیاست آن پیش تمنگ ہیل کے۔ ہراڑے ظلم پد نئی سلے، ولے فیصلہ سازی، تینا
جند ناناغہ کاری و تنظیمی معیار بنجاہٹی بریر۔ ہندامٹی و بدلی مظلومیت و نزاری آن کشا
طاغت اسیٹی مٹ کیک، و ہندافرخ تحریک و اخلاقی دعوہ غان گواچنی طاغت ناپارہ غا
دیک۔

مرغن آ جہد نا نفسیات، سگ، دم درنگ و

نسلی ردِ ریسہ

آجونی نا جہد گیشہ تر دم دستی بھرم آتا نفسیات تون ڈک لگک۔ بندغ ابری ردیٹ دا خواہک کہ اونا قربانی نا بھرم اونا زندیٹ خننگ نٹ برے۔ ہر اتم دا اومیت پورو منگ گڑ ادم دریگ، نا اومیتی و است ایکیمی و دی مریک۔ نفسیاتی ردیٹ دا حالت ہمو تم زیات بھیم بش کروک مریک ہر اتم بندغ تینا خواری ء بھرم تون مشروط کیک۔ بھرم اُرے نا گواچی مرے گڑا خواری بے معنہ لگنگ بناء کیک۔

انقلابی جہد نٹ داکر لس ء کہ سرسہ ہجی اسہ پاش ء ساعت اس مرو، و او ساعت اسکان سر مننگ بیرہ اصل مسحت ء۔ داکر نا سوب آن بندغ تینا قدر ء فتح نا خرٹک مننگ یا مر مننگ آن تول کنگک بناء کیک۔ ہندا تول مرغن آ جہد نٹ تیوہ غا گڑا تیان زیات نسخان تروک پاش مریک، انتے کہ بندغ ء اونا گواچن آ کڑدار آن کشک۔ او

تینے اسے لڑکسے ناکڑی ناجاگہ غا اسہ بے سہ ہب یا سر سہ ہب ء بندغ کسے نادر و شم ٹ
ہرنگ بناء کیک۔

مرغن آجہد ناخواست دادے کہ بندغ تینا اومیت آتے بھرم آتیاں پانادی کر سا
روانی تون گنڈے۔ سگ داڑے و دار نا پین آخہ، بلکہ چرجوئی ٹ نظم، ضبط و
بے توار آ عمل نا پین ء۔ ہر ا بندغ ہڑدے ء فیصلہ کرو کو دے اس سرپند مر سازند
کیک، اوزوت پیک۔ ہر تینے اسہ مرغن ء سفر کسے نابش خٹک، اودم دریگ آن پد
ہم ہسا کیک۔ بندغ دامنیک کہ اونا زند نامعنہ بیرہ دائی اف کہ اوائتس دوئی کیک،
بلکہ دائی ء کہ او ہر ا جہد ء زندہ تحک۔ ہر ا تم شعور و دی مرے گڑا قربانی بے سہ جہی
اس لکپ، و بے توار آخواری زوال لکپ۔

ہندا گواچن ء البیر کامیو ”متھ آف سہ میفس“ نا وسیلہ ٹ دن در شان کر یس کہ
”بیرہ جہد نا چند تینٹ بندغ نا است ء پُرکنگ کن گنج ء۔“ یعنی کہ معنہ ساندہ بھرم یا
آخر ٹ ڈھکوک مفک، گیشہ ترا و عمل ٹ اودیم مریک۔ انقلابی بندغ ہندا سوب
آن تینے فتح نا ساعت تون آخہ، جہد نا روانی تون گنڈک۔

نسلی ردِ ریسہ ناشعور بندغِ خود پرستی آن کش مک۔ اودا سوج کپک کہ دیہاڑ اودے
انت ترو، بلکہ داہرک کہ اودیہاڑ سٹ انتس بلوہنو۔ ہنداشعور دم درینگِ سگ سٹ
مٹ کیک، سگِ شرف بشمک، وجہدِ وختی آسر سہی تیان آجو کیک۔

مرغن آجہد سٹ غٹ آن بھلا شکست داف کہ بندغِ ایسریِ خننگ کپ، بلکہ
دادے کہ اوکسر سٹ معنہِ گوہے۔ وغٹ آن بھلا سر۔ جہی دادے کہ او معنہ تون
اوار روان مرے۔

اختیار، اطاعت و شعوری نظم

انقلابی تنظیم ٹی اختیار و اطاعت پیشین نابست و بند اس مفہم ۔ داہموتہہ بنا کیفیت
مریک ہر ٹی بندغ تینا ذات ۽ رکھنگ نا جاگہ غامعنہ غاسپارک ۔ داڑے اطاعت دا
سوب آن کننگپک کہ حکم بسنے، بلکہ داسوب آن کہ بندغ چاک کہ او حکم اسہ ہند نو
دیہاڑا سیٹی تننگا نے ہر انا باریم بیرہ اسہ بندغ کسے ناکوپہ غاتیا شاغنگ مننگ کپک ۔

ہر اڑے اطاعت بیرہ عمل اس جوڑ مرے، اوڑے بندغ تہہ آن ہو رک مریک ۔ و
ہر اڑے اختیار سوج آن بڑ تننگے، اوڑے تنظیم تینا چند سنا ۔ جیغاغان خلینگ بنا
کیک ۔ انقلابی نظم دا ہڑتوما انتہاء تے رد کیک ۔ داڑے نہ اطاعت عقل سنا نفی ۽، نیکہ
اختیار انا نانا تالانی ۔ داڑے نظم اسہ ہند نو حالیت کسے ہر ٹی بندغ تینا آجونی ۽ یلہ کپک،
بلکہ اودے ولد او لسر آن معنہ ایک ۔

شعوری نظم ہمو ساعت آودی مریک ہر اتم بندغ دانیک کہ او نا فیصلہ داسہ بیرہ اونا

ذاتیء معاملہ اس سے ملتے۔ اوانت کہ کیک، او بیرہ اونا بابت نہ ہیت کپک بلکہ تیوہ
 تحریک نابابت ہیت کیک۔ ہند امارشت اطاعت ء اخلاقی جوڑ کیک، و اختیار ء ذمہ
 واری اس۔ داڑے پرمان ء مننگ اطاعت آخہ، بلکہ شراکت اس مریک۔ و پرمان
 مننگ اقتدار آخہ، بلکہ ورنندی خواہنگ اس مریک۔

سیاسی فلسفہ نناوار وار دا است آشفانک کہ اقتدار ہمو وخت بر جاء سے لمپک ہر اتم او
 اطاعت خواہے، بلکہ ہمو تم بر جاء سلپک ہر اتم بندغ آک اوٹی تینا جند ء درست کنگ
 بناء کیر۔ ہند اٹک ء ہٹا آرینڈٹ طاغت و اطاعت ناسیالی نازی آہیت کرسادن سرپند
 کریس کہ ”طاغت ہموڑے ودی مریک ہر اڑے بندغ آک اوار ی ٹی عمل کیرہ،
 نیکہ بیرہ پرمان ء منرہ۔“ داخیال نہی نظم بیدادی اس سے لمپک، بلکہ اوار آشعورنا
 دروشم ء ہلیک۔

انقلابی تنظیم ٹی نظم نا اصل چکاس بے تواری ٹی مریک۔ ہموڑے ہر اڑے ہیچ ء کوکار
 اس اف، ہیچ ء تماشہ اس اف، و ہیچ ء صفت اس اف۔ اوڑے بندغ دا گچین کیک کہ

اوپرمان ناتینا آسراتی نار دسٹ جاچہ ہلیرو، بلکہ اودے تحریک ناگرج کسے نار دسٹ
سرپند مرو۔ ہنداہمو ساعتہ ہراڑے اطاعت بھیم آن پیش تمہہ اشرف نئی مٹ
مریک۔

ہراڑے نظم شعور آن کشکے، اوڑے تنظیم بیرہ پن سناچی اس جوڑ مریک۔ و
ہراڑے نظم شعور تون گنڈوک مرے، اوڑے بے تواری ہم اسہ سیاسی عمل اس
جوڑ مریک۔ ہندا شعوری نظم انقلابی جہدہ وختی آلا ر آن کشسا اسہ مرغنو، سگ تھو کو
وشر فمند کسر کسے آبر جاء تھک۔

دژمن ۽ ٻيهر منگ نا گشاد

دژمن ۽ بيره گنده پانگ اڙزان ۽، وٺي دژمن ۽ ٻيهر منگ کيڻ ۽۔ راجي آجوني ناجهد
ٺٽ غٺ آن زيات بهيم بش ڪروڪاردي دامريڪ ڪه اسه انقلابي بندغ اس دژمن ۽
اسه گماني ديواس تڪي، وتيني بيره اسه ٻئي ۽ رد عمل اس۔ داخيال ٺٽ خار اس توو دي
منگ کيڪ، وٺي حڪمت جوڙ مفڪ۔ و حڪمت آن بيدس بد دنگ و خار بندغ ۽
طاغت تفڪ، اوڏي اشتافي ايتڪ۔ دژمن نابست و بند بيره توفڪ آن چلنگپڪ، او
بولي آن چلينگڪ، بهيم آن چلينگڪ، و همونفسياتي شون آن چلينگڪ هر ابندغ ۽
فيصله کنگ آن مست تينازي آشڪ کنگ ٺٽ اخته کيڪ۔ هر انقلابي بندغ دژمن ۽
بيره ”ظالم“ ناپن ٺٽ چاڪ، او دژمن نا طرزڪار آتي، زوري تي، ترجيح تي و
نفسياتي اٽڪل آتي خذنگ ڪپڪ۔ ولد او هموڙي جنگ کيڪ هر اڙي دژمن
خواهڪ، و همو وخت آرد عمل ايتڪ هر اتم دژمن خواهڪ۔

نفسياتي رد ٺٽ دژمن ۽ ٻيهر منگ بد دنگ ٺٽ ڪمبوتي آخه، بد دنگ ۽ شعور ٺٽ مٺ

کننگ نا عمل ۛ۔ ہر اتم انقلابی بندغ دژ من ناذہن ۛ خواننگ ہیل یک گڑا اویتنا
 جذباتی وس وطاعت ۛ نظم نٹ تحک۔ او سرپند مر یک کہ دژ من ہر اتم زور ۛ ودقک،
 ہر اتم بے توار مر سادم دریفک، ہر اتم افواہ و بے باوری نامک نٹ صف آئیٹی بدگمانی
 ودی یک، و ہر اتم اخلاقی بولی نا وسیلہ نٹ مزاحمت ۛ ڈوہ اس جوڑ کر سامونا تحک۔
 دژ من نا اصل اٹکل دامر یک کہ او آجونی ناسپاہی ۛ مشتعل تھے، تاکہ او سوچنگ نا
 لائخ سلپ۔ و ہر اتم بندغ سوچنگ نا لائخ سلپ گڑا اویتنا جند نافیصلہ غاتیان تینا زوری
 تے ودی یک۔

دژ من ۛ پہہ مننگ نامعنہ دادے کہ اسہ انقلابی بندغ اس داجنگ ۛ بیرہ خار ناتلہ غا
 آخہ، معنہ ناتلہ غاکے۔ ہر اڑے سوج دامف کہ دژ من اخس گندہ ۛ، بلکہ سوج دا
 مرے کہ دژ من ناست و بند امر چلیننگ، ونن او دے ہر اکان پر غنگ کینہ۔ ہندا
 لائخی جہد ۛ رد عمل آن کشا حکمت نٹ پیہفک۔

زند و مرک نا اختیار ء تنظیم ء تنگ

ہر اتم اسے بندغ اس سہلہ بند آ انقلابی جہد نٹ شعوری رد نٹ گام تحک گڑا او بیرہ تینا
وخت، تینا خواری یاتینا لائی ء مونا تحک۔ او اسے زیات کڑمب ء فیصلہ اس کیک۔ او
دانیک کہ زندہ منگ و کہنگ نا اختیار او ناذات نیا بیرہ ذاتی ء معاملہ اس سہلتنے۔ دا
ساعت آن پد زند ہم تنظیمی انامت اس جوڑ مرک، و مرک ہم اسے اشتماعی ء سوج
اس۔

دائیک رومانوی آخہ، بلکہ بے رحم ء کچ کسے اسکان سو برء۔ انقلابی تنظیم ٹی او ار منگ
آن پد پچ ء بندغ اس ہم دا حق ء تحک کہ او تینا ساہ ء ہر اتم خواہے بھیم نٹ شائع، یا
تینا مرک ء تینا دلیری نا شاہدی جوڑ کے۔ بے وخت کہنگ گیشہ تر قربانی اس مفک،
بلکہ انا، اشتافی یا سیاسی بے سوگوی نا نشانی اس جوڑ مرک۔ انتے کہ جہد نٹ مرک نا
معنہ او نا ترندی ٹی آخہ، او نا ہند و وخت نٹ مرک۔

انقلابی بندغ دا گواچن ۽ منیک کہ داسہ اونا ساہ بیرہ اونا سہ ملتے۔ او اگہ زندہ سلیک گڑا
 تحریک کن، و اگہ کہوئی ہم مرے گڑا تحریک نافصلہ ناشیف آن۔ او داسوچ کچک
 کہ ای ہر اتم تیار اُٹ، بلکہ داہرک کہ تحریک ناوخت انت خواست کیک۔ ہند افرخ
 ذاتی بہادری و سیاسی شعور نا نیام نہ چشخ اس کشک۔

سیاسی فلسفہ ننے دا ہیل ایک کہ اشتماعی جہد نہ غٹ آن بھلا مکر د امریک کہ
 بندغ تینے دیہاڑ نا بجاہ کلنگ بناء کے۔ حالانکہ دیہاڑ بندغ آتے آخہ، عمل نادریرہ
 ۽ رکھک تحک۔ ہند اسوب آن انقلابی تنظیم نہ زندہ رکھنگ ہند اخس انقلابی عمل
 اس مننگ کیک اخس کہ ساہ ۽ تنگ۔ ہر اباسک ہر ساعت کہنگ کن تیار مرے،
 ولے زندہ مننگ نا ذمہ واری ۽ پہہ مف، او جہد ۽ نزور کیک، سو گو آخہ۔

داڑے نظم بیرہ رکھنگ نا بست و بند اس سہ لمپک، بلکہ اخلاقی اصول اس جوڑ مریک۔
 تنظیم بندغ نا دا است آشاغک کہ اونا ساہ اسہ وسیلہ لے، و وسیلہ وختس ہم جوزہ آتیا

سپارٹکپ۔ زندہ رکھنگ لغوری اس اف، و مرک پدشاغنگ پدی منگ اس اف۔
اصل لغوری دادے کہ بندغ تینا ساہ اشتماعی حکمت آن پیش دے۔

ہنداشعور ۽ انتونیو گرامشی ناداخیال ٹ مارنگ کنگ مریک کہ ”جہد ٹ بندغ نا
قربانی ہمو تم معنہ تحک ہر اتم او اسہ دیہاڑی منطق کسے نا بشخ اس مرے، بیرہ ذاتی ۽
جوزہ کسے نادر شانی مف۔“

انقلابی بندغ تینا مرک ناخواجہ سہ لمپک، ولے بے اختیار ہم مفک۔ او تینا ساہ اسہ
ہند نو وخت کسے آسپارک ہر اوڑان بھلن مریک۔ ہند اسپارنگ او دے خود کشی نا
رومان آن کشا سیاسی شرف ٹ پیہک۔

گڈیکو بیت

دا کتاب داڑے ایسر مفک۔ دا بیرہ کاغد آ بند مر یک۔ دانا اصل بناء هموکان مر یک
ہر اڑے سنگت دادے بند کر سائیتنا تہ ٹی کو کڑو کیک۔ انتس کہ داڑے نوشتہ
کننگانے اونچ گڈیکو راستی کسے نادعوہ اف، بلکہ اسہ مدایء سوچ کسے۔ ہند نو سوچ
اس ہر اہر دور نٹ، ہر تلہ غا، و ہر ذمہ واری تون اواری پوسکن اولسر آن سوچ کننگ
مرے باندے۔

راجی آجونی نا جھد نٹ غٹ آن زیات بھیم بش کرو کا ساعت او مفک ہر اتم دژ من
طاغور مرے، بلکہ همو مر یک ہر اتم تحریک تینے پورو و سر جم مروک تلنگ بناء کیک،
ہر اتم سوچ آک س لمیر، ہر اتم چند ناناغدا کاری باریم اس جوڑ مرے، و ہر اتم نظم میرہ
اطاعت نٹ مٹ مرے۔ دا کتاب ہندا بھیم بنا بر خلاف اسہ بے توار غیاتی کسے کہ
جہدنا اصل خواست مدایء آشعورے، آ خبتی آ حرکت اف۔

داڑے درشان کنگو کائک آک اسہ مقدس ء متن کسے ناہند تحپسہ ۔ دافتیا اختلاف
منگ کیک، دافتیا شرہ المی ء، دافتیا عمل اسہ وڑیٹ مفرو۔ ولے اسہ ہیٹ کسے آشرہ
منگ کپک۔ او دا کہ سگت تینے پرمان نافاذ کرو کو وجود اس تکپ، بلکہ اسہ ہندنو
بندغ اس تکے ہر اسوچک، جاچ ہلیک، ویتنا ذمہ واری ء پہہ مرسا اوڑتون امنائیک۔
ہندافرغ تنظیم ء ایہن انگامچی آن، و تحریک ء رد عمل آن جنا کیک۔

اگہ دا کتاب اسہ سگت کسے اسہ ساعت کسے کن سلنگ آ بے وس کرے، اگہ کس
اس تینارویہ، تینا عادت یا تینا ترجیح نازی آ بے تواری ٹ ولد اچشمانک شنافا، گڑا ہندا دا
کتاب ناکٹ ء۔ جہد نامعیار دا اف کہ غٹ اسہ وڑیٹ مریر، بلکہ دادے کہ غٹ
ذمہ وار مریر، ذمہ وار تینا عمل نا، تینا زہم سنا، ویتنا ہلو کا نشان نا۔

یات تخرے، دیہاڑ مدام کو کار آتے سامپک، او بندغ آتے یات تحک۔ ہمو بندغ
آتے ہر اتوار تواری آن بیدس کاریم کیرہ، ہر اپنی منگ آن بیدس کڑد سراپترہ، و ہرا

بھرم وایسری آن بیدس ہم کسرءیلہ کیسہ۔ اگہ دا کتاب ہندونو بندغ و دی کننگ سٹ
اسہ چنکو کڑ داس ہم سر تننگ کرے، گڑا ہندا دانا سر سہبیء۔

جھڈٹ اور مروکا ہر سنگت تینتوں اور اسہ چاگڑداس ہر فک ہتیک۔ اوچاگڑدنا بولی، اونا سوچ آک، اونا فرخ آک و اونا زوریک ہم اوڑتون اور بریرہ۔ آجوتی نا عمل ہندا پد پاچوڑ آتے پر عننگ نا پنے۔ ہندا سوب آن فینن نو آبادیاتی آجوتی بیرہ سیاسی عمل اس آخہ بلکہ نفسیاتی جتائی اس پار یس۔ ہر اتم اسکان غلامی مغزٹ زندہ سلے، آجوتی بیرہ کاغذ آسلیک۔

دا کتاب سنگت آتیاں قربانی ناخواست ء کپک۔ قربانی داڑے مالو آن ساڑی ء۔ دا کتاب وضاحت ناخواست ء کیک۔ وضاحت تینا ترجح تا، تینا زوری تا، و تینا کڑدار نا۔ داڑے کس ہیر و اس جوڑ کننگ اف، انتے کہ تحریک آک ہیر و تیاں آخہ، کڑدار آتیاں زندہ سلیرہ۔ و کڑدار نظم و ضبط و تینے آن تینٹ سوچ کننگ و ورنڈی خواہنگ آن جوڑ مریک۔